

Na osnovu Odluke Vlade Bosansko-podrinjskog kantona Goražde broj: 03-11-778/26 od 03.04.2026. godine, o davanju saglasnosti na Program utroška sredstava Ministarstva za urbanizam, prostorno uređenje i zaštitu okoline Bosansko-podrinjskog kantona Goražde sa ekonomskog koda 614 100 – Tekući transferi nižim nivoima vlasti, Ministarstvo za urbanizam, prostorno uređenje i zaštitu okoline Bosansko-podrinjskog kantona Goražde **o b j a v l j u j e**:

## **JAVNI POZIV**

**za dostavljanje prijedloga projekata nižih nivoa vlasti Bosansko-podrinjskog kantona Goražde koji će se finansirati/sufinansirati iz Budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde za 2026. godinu**

### **I**

Predmet javnog poziva je dodjela novčanih sredstava za finansiranje/sufinansiranje projektnih aktivnosti iz oblasti koje su u nadležnosti rada Ministarstva, a u svrhu ostvarivanja ciljeva Programa utroška sredstava iz Budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde sa ekonomskog koda 614 100 – Tekući transferi nižim nivoima vlasti za 2026. godinu.

### **II**

Sredstva po ovom Javnom pozivu Ministarstva za urbanizam, prostorno uređenje i zaštitu okoline Bosansko-podrinjskog kantona Goražde (u daljem tekstu: Ministarstvo) se raspodjeljuju za finansiranje/sufinansiranje projekata koji imaju za cilj da se kroz finansiranje/sufinansiranje projekata iz oblasti koje su u nadležnosti rada Ministarstva za urbanizam, prostorno uređenje i zaštitu okoline Bosansko-podrinjskog kantona Goražde, a koje dostave niži nivoi vlasti – grad/općine u sastavu Kantona, omogući unaprijeđenje i tehnički napredak u oblasti građenja, prostornog uređenja i efikasnija zaštita okoline, poboljšavanje energetske efikasnosti, posebno rješavanje problema upravljanja otpadom, što su osnovni uslovi zdravog i održivog razvoja i približavanje evropskim standardima u ovoj oblasti. Time bi se unaprijedio sistem građenja, planiranja prostora, praćenja kvaliteta okoline i pružila finansijska podrška za realizaciju projekata iz ovih oblasti.

### **III**

Zahtjev za finansiranje/sufinansiranje programa/projekata mogu podnijeti samo niži nivoi vlasti – općine/grad u sastavu Bosansko-podrinjskog kantona Goražde.

Korisnici sredstava trebaju obezbijediti vidljivost, promociju, korištenje i širenje rezultata iz Programa utroška na osnovu kojeg se objavljuje ovaj Javni poziv koji je objavljen i na oglasnoj ploči Bosansko-podrinjskog kantona Goražde i službenoj web-stranici Kantona ([www.bpkg.gov.ba](http://www.bpkg.gov.ba)).

### **IV**

Prijedlog raspodjele i isplate ovih sredstava vršit će se u skladu sa općim i posebnim kriterijima. Ministarstvo će putem Komisije, koju rješenjem imenuje Ministar, na osnovu utvrđenih kriterija vršiti procjenu i vrednovanje podnešenih projekata. Odluku o odobravanju sredstava na prijedlog

Ministarstva donosi Vlada Bosansko-podrinjskog kantona Goražde, a transfere odobrenih iznosa novčanih sredstava nosiocima projektnih aktivnosti izvršiće Ministarstvo za finansije.

Korisnici programa (u daljem tekstu Korisnici) su dužni odobrena sredstva namjenski utrošiti u skladu sa dostavljenim programima i finansijskim planom, te u roku od 12 mjeseci Ministarstvu podnijeti završni narativni i finansijski izvještaj.

Po dobijanju obavjesti od strane Ministarstva o odobravanju prijedloga projekata Korisnici su dužni provesti proceduru izbora pravnog lica koje će provesti aktivnosti predviđene prihvaćenim projektom, sa njim zaključiti ugovor i isti dostaviti Ministarstvu.

Transfer odobrenih sredstava će se izvršiti u roku od 15 dana počev od dana dostavljanja navedenog ugovora ovom Ministarstvu.

## V

### **Kriteriji za dodjelu sredstava**

Sredstva se raspoređuju u skladu sa Programom rada Vlade i Ministarstva za 2026. godinu i Programom utroška sredstava Ministarstva za 2026. godinu sa ekonomskog koda 614 100 - Tekući transferi nižim nivoima vlasti broj: 09-11-191-2/26 od 07.04.2026. godine na koji je saglasnost dala Vlada Bosansko-podrinjskog kantona Goražde Odlukom broj: 03-11-778/26 od 03.04.2026. godine.

Prilikom procjene neće se razmatrati programi i projekti koji su finansirani iz sredstava Budžeta Ministarstva u prethodnoj budžetskoj godini i za koje u ugovorenom roku nisu dostavljeni izvještaji o realizaciji.

Kriteriji za dodjelu – trošenje sredstava su:

- Da predloženi projekat tretira oblast iz nadležnosti rada Ministarstva,
- Da se projekat realizuje na području Bosansko-podrinjskog kantona Goražde,
- Da će korist od njegove realizacije imati više osoba (sa mogućnošću utvrđivanja njihovog okvirnog broja) i
- Da vrijednost projekta ne prelazi iznos sredstava planiranih za te namjene u Budžetu Ministarstva za 2026. godinu; u suprotnom prijedlog projekta mora sadržavati dokaz da su već obezbjeđena nedostajuća sredstva za njegovu realizaciju (sufinansiranje). Projekti kojima se predviđa sufinansiranje će imati prednost.

**Kriteriji neprihvatljivosti za učešće u Programu** - Prilikom procjene neće se razmatrati projekti i programi:

- koji nisu podneseni u predviđenom roku
- niži nivoi vlasti čiji su projekti i programi prethodno finansirani iz sredstava budžeta Ministarstva, a za koje u ugovorenom roku nisu dostavljeni izvještaji o realizaciji.

## VI

### **Potrebna dokumentacija**

Općine/grad u sastavu Bosansko-podrinjskog kantona Goražde uz obrazac za prijavu projekata obavezno prilažu kopije sljedećih dokumenata:

- Podaci o podnosiocu projekta,
- Broj transakcijskog računa i naziv banke kod koje je otvoren,
- Detaljan projekat za koji se traže sredstva,

- Finansijski plan projekta s izvorima prihoda i očekivanim rashodima (sadržan u projektu),
- Dinamički plan realizacije projekta (sadržan u projektu).

Navedena dokumenata se prilažu uz prijavu i ne smiju biti stariji od dvanaest (12) mjeseci.

## VII

Prijava na Javni poziv se podnosi na posebnom Obrascu za prijavu projekata koji je sastavni dio ovog Javnog poziva. Obrazac za prijavu projekata dostupan je na web stranici Bosansko-podrinjskog kantona Goražde ([www.bpkg.gov.ba](http://www.bpkg.gov.ba)) i u prostorijama Ministarstva - kancelarija broj 43. Dodatne informacije se mogu dobiti svakim radnim danom na broj telefona 038/224-257.

Ministarstvo za urbanizam, prostorno uređenje i zaštitu okoline Bosansko-podrinjskog kantona Goražde zadržava pravo poništenja ovog Javnog poziva do odabira korisnika sredstava, bez obaveza pismenog ili usmenog obrazloženja, kao i bez obaveza snošenja troškova za podnošenje zatjeva po ovom pozivu.

Popunjeni Obrazac za prijavu projekata sa svim priložima podnosi se Ministarstvu za urbanizam, prostorno uređenje i zaštitu okoline Bosansko-podrinjskog kantona Goražde u zatvorenoj kovrti, a predaje putem protokola Bosansko-podrinjskog kantona Goražde ili pošte na adresu:

**BOSANSKO-PODRINJSKI KANTON GORAŽDE**  
**Ministarstvo za urbanizam, prostorno uređenje i zaštitu okoline**  
**”Komisija za procjenu projekata nižih nivoa vlasti”**  
**ul. 1. Slavne Višegradske brigade br.2a**  
**73 000 Goražde**

**Sa naznakom:**

**„Ne otvaraj -Prijava na Javni poziv za dostavljanje prijedloga projekata nižih nivoa vlasti za finansiranje/sufinansiranje iz Budžeta Ministarstva za urbanizam, prostorno uređenje i zaštitu okoline Bosansko-podrinjskog kantona Goražde za 2026. godinu“**

## VIII

Javni poziv ostaje otvoren od dana njegove objave na službenoj oglasnoj ploči Bosansko-podrinjskog kantona Goražde do utroška sredstava, a najkasnije do 31.12.2026. godine. Nepotpune i neblagovremene prijave neće se uzeti u razmatranje.

Broj: 09-11-263/26  
Goražde, 06.05.2026. godine

